

CENTRALNA BANKA
 BOSNE I HERCEGOVINE
 Broj: 150-15-4-975-G /19 TT
 Sarajevo, 24 april 2019. godine

Na osnovu člana 69. stav (1) tačka a), 70. stav (1) i (3) i 98. stav (2) tačka a) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke usluga – direktni pristup internetu (DPI) sa rezervnom linijom, putem pregovaračkog postupka bez objave obavještenja o nabavci

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – direktni pristup internetu (DPI) sa rezervnom linijom, putem pregovaračkog postupka bez objave obavještenja o nabavci, dodjeljuje ponuđaču Mtel a.d. Banja Luka, u svemu prema konačnoj Ponudi broj: 1-04-74-4363-3/19 od 10. aprila 2019. godine.

Član 2.

Konačna ponuda ponuđača iz člana 1. ove odluke, glasi na iznos od:

28.807,80 KM bez uračunatog PDV-a

(slovima: dvadesetosamhiljadaosamstotinasedam i 80/100 konvertibilnih maraka)

odnosno

33.705,13 KM sa uračunatim PDV-om

(slovima: tridesettrihiljadesedamstotinapet i 13/100 konvertibilnih maraka)

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Glavna banka Republike Srpske Centralne banke BiH (u daljem tekstu: GBRS).

Član 4.

Za realizaciju ove odluke zadužuju se GBRS, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

O b r a z l o ž e n j e

Postupak javne nabavke usluga – direktni pristup internetu (DPI) sa rezervnom linijom, putem pregovaračkog postupka bez objave obavještenja o nabavci, pokrenut je Odlukom o pokretanju postupka, broj: 150-15-4-975-2/18 SR od 14. marta 2019. godine. U skladu s tim, Centralna banka je 4. aprila 2019. godine objavila tendersku dokumentaciju za javnu nabavku usluga – direktni pristup internetu (DPI) sa rezervnom linijom, putem pregovaračkog postupka bez objave obavještenja o nabavci (faza I, II i III), broj 150-15-4-975-4/19 TT od 4. aprila 2019. godine istovremeno sa upućivanjem Poziva za učešće u pregovaračkom postupku, ponuđaču Telekomunikacije RS a.d. Banja Luka, broj: 150-15-4-975-5/19 TT.

Postupak se vodio sa jednim ponuđačem, Mtel a.d Banja Luka, Vuka Karadžića 2, 78000 Banja Luka, koji je dana 10. aprila 2019. godine dostavio Zahtjev za učešće i Početnu ponudu. Nakon pregleda i provjere kvalificiranosti Zahtjeva za učešće i Početne ponude, Komisija nadležna za vođenje postupka (u daljem tekstu: Komisija) je upriličila pregovore dana 10. aprila 2019. godine sa početkom u 13:00 sati, elektronskim putem na način kako je određeno u Tenderskoj dokumentaciji, sa ovlaštenim predstavnikom Ponuđača navedenim u obrascu za dostavljanje ponude. Komisija je u postupku pregovaranja ostvarila popust u iznosu od 1.516,20 KM, u odnosu na početnu cijenu ponude koja je iznosila 30.024,00 KM. Po okončanju faze pregovaranja Komisija je pozvala ponuđača Mtel a.d. da dostavi Konačnu ponudu, što je i učinjeno.

Komisija je nakon izvršenog pregleda i ocjene ponude konstatovala da pristigla Konačna ponuda ponuđača Mtel a.d. Banja Luka zadovoljava sve uslove tražene tenderskom dokumentacijom te je shodno tome, u skladu sa kriterijem najniža cijena, u svom Zapisniku o pregledu i ocjeni ponuda broj: 149-15-4-1178-6/19 od 16. aprila 2019. godine i Izvještaju o radu Komisije sa Preporukom broj: 149-15-4-1178-7/19 od 16. aprila 2019. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.


GUVERNER
dr. Senad Softić
dr. Senad Softić

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- GBRS
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)